庫全書

子部

御察性理精義卷八 程 欽定四庫全書 大三日年全島 阿柳原性理精美 内 子曰君子以識為本行次之今有人馬力能行之而 學 須是識在所行之先譬如行路須得光照〇如 不足以知 類 致 不 知 午口 好惡外不知是非雖有尾生之信吾弗貴矣 之則有異端者出彼将流蕩而不 知 反

金牙口 慈 前 之京 1 古人言知 矢口 諸人要特立獨行然不難 雏 若意作便是有箇私心這一點意氣能得幾時○ 見豈有不能行一切事皆所當為不必待著意作 知見不通透便謂要力行亦只是淺近語人既 然為 Æ 有 師 とき 能 欲往之心其能進乎後世 少 之非艱者吾謂 明道盖知之者難也〇知者吾之所固 矢口 沂 出之門所由之道然後可往未嘗 卷八 知之亦未易也今有人欲 得 只是要一箇 非無美才能力 知見 難 有 知

次定四車全書 · 御察性理精義 慮始皆 思女口 是 矣又美學為思曰容睿作聖總思便容以至作聖亦 深思而得者其得易失〇或問進修之府何先曰其 思 然不致則不能得之而致之必有道故曰致知在格 物〇問學何以至有覺悟處曰莫先致知能致 一日愈明一日久而後有覺也學而無覺則 一箇思故曰勉強學問 掘井初有渾水久後稍引動得清者出來人思 溷 濁久自明快○不深思則不能造於,道不 則 聞見博而智益明〇致 何 知 益 則

分り 窮天下之物但於一事上窮盡其他可以 既多然後 處其當暗窮 講 物 12 敢 於正心誠意誠意在致 而萬 明義理或論古今人物 上有一理須是窮至其理窮 女口 此 理旨知 道 脫然自有貫通處〇格物窮 F 須是今日 理 也或問 曰 若只格 格 格 物 别 知 件 物 其 致 須 是 便通泉 知在 眀 物 非或應事接物 日又格一件 物 理亦多端或 格物格至也凡 格之還只 理 理 類 非 雖 顏 子亦 格 書 智 而

臟六腑毛髮筋骨之所存鮮或知之善學者取之身 致顯微一源古之君子所以善學者以其能通於此 然見去〇至顯者其如事至微者莫如理而事理 是一理〇所務於窮理者非道須盡窮了天下萬物 適國但得一道入門便可所以能窮者只為萬物皆 而已世之人務窮天地萬物之理不知反之一身五 之理又不道是窮得一理便到只是要積累多後自 其易者或先其難者各隨人深淺如干蹊萬徑皆可

金牙巴尼石量 合内 寒至於君 前 物 求諸身否曰不必 而 須是察〇 已自一身以觀 無 何日求之性 之所以然學者皆當理會又問 外 非 是 之道也語其大 臣父子 物 問 物 格 情固是切於身然一 物皆有 物 是外 間皆是理又 如 天地〇問 此 卷 理 物是 至天地之高厚語 說 如 物 火之所 性 我 觀物察已還因見物 分 問只窮一 中 致 理纔 草一木皆 以熱 物 知先求之四 曰 明彼 水之 物見此 其 不 拘 即 所 有 暁 端 眼 此 理

欠已日長三時 張子曰義理有疑則濯去舊見以來新意心中苟有所 淺深則行有遠近此進學之效也 之至於言穿窬不可為不必 日 聞 物便還見得諸理否曰須是偏求雖顏子亦只能 力行其功並 進乎日人謂 朋 即 知十若到後來達理了雖 便割 朋友論者 記 一一 你察性理精義 不 則日日 思則還塞之矣更須 閒意思差別 非 勉 億萬亦可通〇問 禮勿為則必勉强 強而後能 須 得 朋 日 友之 也故 E 女口 助 而 致 知 有 從 大口 聞

朱子曰 謝氏良 金分四月全書 意有盡時〇窮 何 論 知 故也真 久 見 彼之 窮 其所以然 得 則自 佐 是處口窮理便見得事不勝窮 日 理 知 理 者欲 覺 聞見之知 雨 自 進 歸 故志不惑知 知事物 然行之不 理則是尋箇是處問天下多少事 諸 此也程子 非 真 之所以然與其所當然 難 知 也 其所當然故行 不真 ρή 尖口 謂 水 知 物我一 栭 火自然不 理則一 行未免有意 理 不 縺 者 也 蹈 明 浜 而 非

欠己日年 八十四 柳原性理精義 由 有病行得即是固為至論然窮理不深則安知所 謂之不一 之無論高 可否哉率予以短喪為安是以不可為可也子路 正名為迂是以可為不可也被親見聖人日 猶有是失況於餘人窮理既明則理之所在 即曉此〇答程允夫曰窮理之要不必深求此語 謁固世俗之 可行 币) 耳如行不由 不 所謂矯又豈知 可行之理但世俗以苟且淺近之 徑 固 世俗之所 理之所在言之 謂 動 迁 聞 雖 炒 善 不

金贝 别 意穿鑿冥行而 若甚高而未當不可行哉理之所在即是中庸 帽豐 四 此 之不深則無所準則而 者不得如信只有 巴尼石量 然後可以應務未至於此則 而 物事只有箇仁義禮智看如何干變萬化都 則實有是 反 有 此患也易曰精義入 一仁義禮智論其用則 己〇窮理只就自家身上求之都 此四者故謂之信信實也 有 過不及之患未有窮理既 神 几 實有是 觧 ル 致用也蓋 作為皆出於私 惻 隱羞惡 惟窮 離 惟 女口

大巴口事 白馬 御祭性理精義 恭敬是非更假偽不得所以說信者以其實有而 便是有君臣只緣本來都是天地所生共此根帯 兄弟就他同 自 拘 安 偽 婦 有父子之親有牝牡便是有夫婦有大小便是有 排是合下元有此至於物亦莫不然但其拘於形 也更自一身推之一家實是有父子有兄弟有 於氣而不變然亦就他一角子有發見處看他亦 推之天地之間實是有君臣有朋友都不是待 類中各有羣聚便是有朋友亦有主腦

金り 之意 此盡孟案 能 朲 春 昆蟲草木未嘗不 以大率多同聖 生時 巨月月電 理人子此 使萬物各得其所者惟是先 獺 祭魚然 謂性之說 不 妖 後虞人入澤 天 反物性窮 一野出來 不覆巢不 身之正理 順其性 而性此之 誠知意義 也性也最 撫 殺 梁豺祭獸然 如 脇 實故明為 胎草木零落然 禣 取之以時用之有 推知善精 此萬故切 知 物 各因 得 |心物|能子 則皆盡思 天 了其性而等 後田 地 謂備己子 本來 之於之謂 強我性之 獵 後 生 節 恕實則明 所 當 山

次足り早亡号 性於事上更 理自在 o 不 爾未聞之徒老同以行 嘗識心所老原體也 說窮 讀多行以幼則也人 釋氏只說見性下梢 其晓不滋幼自誠所 書會忍殖固有就以 理 Q 動 却言格物蓋言 知為之其視不五關 御纂性理精義 不 其格政生為容常其 得〇以聖賢之學觀聖賢之書 意物者而一己五仁 而窮皆實膜之倫愛 就理從所同心之之 其故此以胞自理心 專得一箇空一理則無可捉 所議處咸於有窮漠 見程發者物不格視 之朱出其也容推為 理之也性取已完物 上學後所時之而者 洞無言 摸 臆為人謂用事知以 古支動以節於此其 稽 物 人離以不亦民理與 者是多恐非也之我 底 則

先 爭箇 自家所見去聖賢之心尚遠在〇只爭箇知 理會底推 天下之理觀 無疑便半 <u>ئ</u> 0 處物之義否曰是() 然亦不是截然有先後曰窮是窮在物之 矢口 問 得 1.将去如 切與 程子言覺悟便是信如 信 天下之事人多以私見自去求理只是 半不信已覺悟了別無 不切〇 سالا 便 問 問窮理集義孰先曰窮 不 隔 ドス 類 越岩遠去專討 栭 推之 何日未覺悟 説 所 日是 疑 便是 與 則 理 時 集 從 理 不 為 信 女口

金岁口尽人言

欠三日日 ハナラ 一一 你察性理精義 陸氏九淵曰凡人之病患不能知若真知之病自去 有終始知所先後則近道矣欲脩其身者先正其心 行之孟子終條理者聖之事此踐優也物有本末事 践履大學致知 要講論者乃是辨明其未知處耳〇為學有講 正其心者先誠其意欲誠其意者先致其知致 條理者智之事此講明也大學脩身正心中庸為 不待費力驅除真知之知却說得勿忘兩字所 格物中庸 博學審問謹思明辨孟子 眀 有

金分四月在書 中也故曰其至爾力也其中非爾力也講明有所未 哉未嘗學問思辨而曰吾惟為行之而已是冥行者 至 徒恃其有力謂吾能至於百逆之外而不計其未嘗 未至而徒恃其力行是獨射者不習於教法之巧而 在格物自大學言之固先乎講明矣自中庸言之學 也自孟子言之則事蓋未有無始而有終者講明之 之弗能問之弗知思之弗得辨之弗明則亦何所行 則 雖材質之卓異踐行之純篤如伊尹之任伯夷 卷八

次足四年全 程子曰難勝其如己私學者能克之豈非大勇乎〇知 過而能改聞善而能用克己以徙義其剛明者乎 言然後可以謂之講 矣而孟子顧有所不願學拘儒瞽生又安可以其 非 歷之少為而傲知學之士哉然必一意實學不事 之清柳下恵之和不思不勉從容而然可以謂之 カ行 聖人之徒矣 雜論言行出處 為秦性理精義 明若謂口耳之學為講明 附 九 則 먇

金欠せたと言 有過少改罪已是也改而已矣常有歉悔之意 章〇有志之士不以天下萬物挠己己立矣則 能盡去就之道則 為心害〇能盡飲食言語之道則可以盡去就之 志在浮議 死生小大之勢一也故君子之道自 下濟萬物必有 亦 須致命始得不知命無以為君子盖命苗不 則心不在内不可應卒處事〇大凡 V 餘裕〇人當審己如何不必恤浮 可以盡死生之道飲食言語去 徴 而 頫 白 運 利 則 1 道 害 而

張子曰尊其所聞則高明行其所知則光大凡未理會 至實處如空中立終不會踏著實地〇盡得天下之 然處之 〇人之於患難只有一箇處置盡人謀之後却須泰 知無所不至故君子於因窮之時須致命便得遂志

次定四車全書 阿海察性理精義

知者方且言識之而已既知之又行之惟艱萬物皆

於我矣反身而誠樂莫大馬實到其閒方可言知未

物須要窮理窮得理又須要實到孟子曰萬物皆備

司馬氏光曰去惡而從善舍非而從是人或知之而不 尹氏嫁曰克已惟在克其所好便是下手處然人未有 金グロガルニ 我而已如轉戶樞何難之有 患只是畏人非矣不養車馬食粗衣惡居貧賤皆恐 備於我矣又却要強恕而行求仁為近○天下事大 能從以為如制學馬如幹確石之難也靜而思之在 之今日富貴明日饑餓亦不恤 八非笑不知當生則生當死則死今日萬鍾明日東 The State of the S 性義所 在

朱子曰學之之博未若知之之要知之之要未若行之 味〇士患不知學知學矣而知所擇之為難能擇矣 之實〇知行常相須如目無足不行足無目不見論 先後知為先論輕重行為重〇方其知之而行未及 須 酒即於酒上克令人只為事事皆好便沒下手處然 不自知所好處而能克之者如好財即於財上克好 則知尚淺既親歷其域則知之益明非前日之意 擇其偏好甚處先克

欠足り見合い

御祭性理精義

金罗四屋 然则 分量以應之如由之果賜之達求之藝只此便可 只是日夜皇皇汲汲理會身心到得事業只隨自家 孔子 難也○若不用躬行只是說得便了則七十子之 從政各隨他分量作出來如何強得〇人言匹夫無 行便是亂說凡日用之問動 勇足以行之内不顧於私 己外不牵於習俗 只用 孔門諸子皆是愚無能底人矣恐不然也古 ノニード 兩 日 1 說便盡何用許多年隨孔子不去 起八 止語點皆是行處 此 從 义

次定四車全書四個器性理精義 斑 作 則 接 可 須於行處警醒須是戰戰兢兢若悠悠泛泛過則 功夫且如人雖知此事不可為忽然無事又自 處也〇大抵人能於天理人欲界分上立得脚 是作功夫時節〇氣不從志時乃是天理人欲交 儘得長進○講學固不可無須是更去自己分上 而不自知遂只如常事作将去又曰自早至暮無 物處事理會其有未能益加勉行如此之人則 又日學者實下功夫須是日日為之就事親從兄 크 E

一分り 此事不好立定脚跟硬地行從好路去待得熟時私 自 作了又如好事初心本自要作又却終不肯作盖 倪無力爭得出須是著力與他戰不可輸 好底事心却不安此是良心但 然繼發便被氣稟物欲隨即 心本善方其見善欲為之時此即是真心發見之端 去體察存養看得此最是一件大功夫〇人作 念又如臨事時雖知其不義又却不知 ľ D 蔽固之不教他發此 被私欲蔽 與 不 固 覺自 他 骓 有 知 得 須

次定四車全里回一個無性理精義 義崇德之功〇悔字難說既不可常存在胸中以為 悔又不可不悔問如何是若中底道理曰不得不 防患貴怯二者相須然後真可以脩慝辨惑而成徙 小德之說遂只知於事之大者致察而於小者尚 椢 腁 但不可留滞既作錯此事他時更遇此事或與此事 欲自住不得源溪曰果而確無難馬○答蔡季通曰 類便須懲戒不可再作錯了○問向因子夏大德 謂 劒兩斷者改過之勇固當如此改過貴勇而 主 悔 且

自り 而己又 是 見 她於天之所與者若乃身外榮辱休戚當一 過德乃可進曰若 性矣察惡未盡雖善少粗 世 ?誠不可○大凡人只合講 堪若眼也○讀書則實究其理行己則 過德之不脩實此為病張子云纖惡必除善斯 間萬事顛倒迷妄耽皆戀若無一不是戲 日看得道理熟後除了 能 如此善 矣學者須是豪髮不 明道 英大馬以 此 道理是真實法 理而謹守之以無 小恶為無傷 實踐其 切驗命 得 劇 **刘**、 成 頄

次定四車全書 関海察性理精義 是人之所欲也不以其道得之不處也貧與賤是 乎○身劳而心安者為之利少而義多者為之○人 云逢人即有求所以百事非如論語必先說富 與貴 至立脚不住不知廉恥亦何所不至因舉日舍人詩 須有廉耻孟子曰恥之於人大矣恥便是羞惡之心 原無交涉亦何必私憂過計而陷於同流合汙之地 念念向前不輕自恕則在我者雖甚孤高然與他 有 恥則能有所不為今人不能安貧其氣銷屈 以

子然後知義理之所必當為與義理之必可恃利害 義上看當求與不當求當避與不當避更看自家所 夫不然則立脚不定安能有進〇問近見得富貴果 理之得失利害孰為輕重則當有以處此矣〇惟君 以求之避之之心是如何且其得丧樂辱與自家義 不可求貧賤果不可逃曰此是就命上理會須更就 惡乎成名必先教取舍之際界限分明然後可作 之所惡也不以其道得之不去也然後說君子去仁 卷八 次定四車全對 事不得未必死亦何用犯義犯分役心役志營營以 者衆矣可不戒哉〇困厄有輕重力量有大小若能 求之即具觀今人因不能越菜根而至於違其本心 念則道義重而計較死生之心輕矣況衣食至微末 是以氣勇謀明無所懾憚不幸蹉跌死生以之小人 之心一切反是〇學者當常以志士不忘在溝壑為 得失既無所入於其心而其學又足以應事物之變 日十二辰點檢自己念慮動作都是合宜仰 一個祭性理精義 苴

CONTROL OF THE PROPERTY OF THE 黄氏幹日知之不至 金りゼル **季直尺而利亦可為與** 權其輕重而行之今則事事用 家大事係死生存亡之際有不可直情徑行處便 惟其是而己〇古人臨事所以要回互時是一 成 大因厄有致命遂志而已亦不 就得一箇是處如此則方寸之間全是天理 不作如此而不幸填溝壑丧驅殞命有不暇 則 如趙塩索塗而有可南可北 巻ハ 此 知有人之是 一向 回 互至於枉 非 般 鲑 向 ļú. 遇 國

真氏徳秀曰無心而誤則謂之過有心而為則謂之惡 程子日聖人之言沖和之氣也貫徹上下以 近也亦可得而行揚子曰聖人之言遠如天賢人 聖人之言遠如天近如地其遠也若不可得而及其 疾者莫如風雷故聖人以此為遷善改過之象 曰風雷益君子以見善則遷有過則改天下之至 迅 不待別為不善方謂之惡只知過不改便謂之惡易 疑行之不力則如做車贏馬而有中道而廢之患 行下 出雜 處論

飲定四年全十一一一一一一一一一一一一一一一一一

さい

日此亦當習習到言語自然緩時便是氣質變也學 盡言言不盡意也〇問人言語緊急莫是氣不定否 孟子言堯舜止是造道之深所見如是○凡立言欲 多於道未必明杜元凱却有此語云言高則旨遠解 含蓄意思不使知德者厭無德者感○言貴簡言愈 之言有德者止言已分事造道之言如顏子言孔子 言近如地非也○有有徳之言有造道之言有述事 則義微大率言語須是含當而有餘意所謂書不

之量江河之量亦大矣然有 未有不践言而人信之者○聖人責人緩而不迫事 也人有斗筲之量有釜斛之量有鐘門之量有江 不 正 且怠者皆誠不至也〇行践其言而人不信者有矣 至氣質變方是有功〇言行不足以動人臨事而倦 量隨識長亦有人識高而量不長者是識實未至 預說纔 則已矣〇聖人作事甚宏於令人不知義理者更 知義理便迫窄若聖人則綽綽有餘裕 涯亦有時而 湍 惟 河

次定四車全書一個一柳暴性理精義

ナセ

金贝 事 常人之有量者天資也惟 處 所 強 稱 則 U 便是 狗 而 謂 耳 須尋自家穩 Ji 成 名為虚矣如 利 則 非 ノニミ 無滿 者 〇 人 利 徇 名也〇 〇有實 不 獨 故聖人者天地之量也聖人之量道 ン 便處皆 料事為 财 君子好成物故 則 君子疾 利 有 老八 之 名名實 利 利心也聖人以義 明 沒 矢ロ 凡 則 世而 道 有 駸 者量自 利心便 一般乎逆 吉小 名 物 不 也 治夫 詐 然宏大不 稱 不 為利 億 謂 可 無善 好 力ロ 不 義 名 物 作 信 勉 者 也

志 有 道合而後進得正則吉矣汲汲以求遇者終必自失 訓 矣詩不曰他山之石可以攻玉〇古之仕者為人今 之仕者為己〇擇才而 如之何曰於是而能反己兢 勝自無此累家貧親老須 得失之累何 君子自重之道也〇問家貧親老應舉求仕 問君子之與小人處也必有侵陵因辱之思則 脩可以免此 用 雖 曰此只是志不勝氣若 謹以遠其禍則徳日 用祿仕然 在君以身許國則 得之不得 在 不 免 進

飲定四事全書 門柳暴性理精義

ナ

朱子曰夫子云不學詩無以言先儒以為心平氣和則 胡氏宏曰一身之利無謀也而 金りレノ 事 拂 能言易繁辭曰易其心然後語謂平易其心而後 也明道先生曰凡為人言者理勝則事明氣忿則 之利無謀也而利萬世者則 有命日在已固可為親奈何曰為己為親也只是 告子云不得於言勿求於心孟子以為不可孟子 ノニニー をハ 謀之 利天下者則謀之一時 語

次足口草 产馬 獨 你暴性理精義 聽言觀行之戒然以余觀之此特為小人設耳若皆 口發禁 君子 氣 自得處故不得於言須求之於心即心上理會也心 陽 闕 之意以言有不順理不自 得處即是心有不順理不 始得 必剛 和則言順理矣然亦須 則 '相應○知人之難堯舜以為病而孔子亦 何 躁妄内斯靜專是也內外表裏照管無少空 剛必明 難 知之有哉蓋天地之 明 則易知凡陰必柔柔必暗暗 就言上作功夫始得伊 閒 有自然 十九 之 理 則 有 ĺ١ P.

金火 吉 徻 蛇 推 鮅 測 可 U 疑 其 明 蚂 如龍虎之為 天 故 不 Æ 者 白日 説 之 聖人作易遂 瑣 可方物者必小人 有量 故 知 必君子 レノ 類萬 女口 如高山大 觀 天 蟣 也而 猛 蝨 物 下之人凡其光明 而 之情者雖 以陽為君子陰為小人其所 女口 思 其 麟 卷八)1] 蜮 也 依 鳳之為祥 如雷霆之為威 君子小人之 孤蠱 阿 淟 百世不能易也余當霜 如 忍 盗賊 正大疏 回 磊磊落落無纖 万 極既定於 如雨露之 隱 詛 贶 伏 暢 閃 糾 洞達 倏 結 以通 為 芥 女口 如

於七四車全事 一個秦性理精義 見聖門廣大規模小有所立即自以為事業止此更 步向前便危險事勢定是如 士大夫之辭受出處又非 不求進荆公所謂末俗易高險塗難盡者可念也〇 栭 刐 曰 事業文章之際尤所謂聚然者彼小人者雖曰難 粗有時望晚來往往不滿人意正坐講學不精 亦豈得而逃哉〇凡是名 利之地退步便安穩進 其形於外者雖言談舉止之微無不發見而況於 獨善其身之事而已其所 此〇向來一番前 軰

手りに 光 軀 袓 問 處之得失乃 順 句誤古人 不 之 之謂 堲 理 既 Ĭ 虞 徒 人出處 而 眀 以以 H) 也令人以 行 且 保 僾 自 哲 到舍生 天命 須看 ی 然、災害不 闒 いく 如楊子雲 保 風 他至誠 其身日 便是占便宜說 邪心看了 俗之盛衰故 取義處不 卷八 及其身 懸切處 説 明 先占 哲 明哲煌煌旁燭無 尤不可 訓 只是見得道 口取便宜、 及 話所以一 趨 利 灑然無累 避害偷 バス 必 不 生被 至 審也〇 理 殭 於 處 分 ドス 全 這 礼 遜 明

次定四車全十一 一個 御暴性理精義 許氏衙曰稱人之善宜就述上言議人之失宜就心上 勉 吾之言亦自為長厚切要之言善迹既著即 言盖人之初心本自無惡特以利欲驅之故失正理 之不必更求隱微主為一定之論在人間則樂於自 然亦未嘗不怒其昏暗無 從始失之地言之使其人聞之足以自新而無怨 其始甚微其終至於不可救仁人雖惡其去道之遠 在我則為有實驗而又無他日之弊也〇善惡消 知誤至此極也故議之 從而美 而 نلار

THE RESERVE THE PERSON NAMED IN 釒 都 能 後敢 坜 便 可 長善少惡多則長其善而不 在 Ē 於 惜 团 不 业上 只為舉 攻治病 壁 指 困 門弟子教養之際 八上精 動 人精 如人 俱 足不 動 亦 カ 然痼病 要使在當 能 カ 則 ŕír 穩 提 困 在期於公中 精 故也人行事只要一壁 憊隨 を カ 之人且當扶護元氣至 亦 之且如 都 用處 女口 在拳頭上射 敢 此 处於不當日 攻其惡善多惡少然 0 药能 平地 世 問事一壁 移 用 行 處 此精 马時 不 靜 团 用 力 精 靜 女口 了 故 沙 行 殊 動 力

次足四車全書 亂省|明省|隱則|庸方|以敬|吉以|内索| 當 而察其察至心首不敬此義禮指從 知者理二微常章外為丹勝制心古 用 無乃行者而存而乎德書欲心外里 則 以所是已必而來是之所者敬指賢 聖 到致以 段盖謹得特先與調從以事言 如此為其為其所敬儒處怠也直故學性心知事學獨養之變事勝欲內書大 者 理縱行二之則矣終為則敬敗之日網 ユ 地 3. 他之者方事故至存以者度說以日 為 而本造然當日於養義減則也義教 行要道又有存雖省為欲是此制以 不 無故之必省養不察行勝無丹事直 難 以非大日而辨睹二之義義書義內 4 力存端知必義聞義標者縱所以義 是養也行致之而其進山敗調方以 王存则所云察精戒源德也禮敬外方 養此謂者矣至慎盖修養則勝之外 者心存知故於恐自業心是魚流而 知昏養是日至懼中之則無者也己

問盡 氟 矣意此名也模該也不行 其道謂之孝弟夫以一身推之則身者資父母 速學目致也以故能之 ドス 生者也盡其道者則 者雖知詳約言反本 倫 見異則以言存躬也 師 其而明大知卷克非 道 條功力存行者治者隊 附 件實行養則察而察 繁一則則又則所則 多貫誠誠不己行不養 而程此省離包或能 能 破朱由察平乎不切 故 析所事則存知實己 其身敬其身者 以為以明卷行是體 求傳歸此省之省驗 之先之由察事察而 則聖心心之而者所 失之者以功其知知 前心也之而義行或 則 野者四事其理之不 能 ய்ட 之以者者規也要真

次世四車全書 一次你暴性理精美 衣父母夫何故以父母之體重於己之體也至於大 夫何故以父母之口重於己之口也得一衣必先以 矢口 敬其父母其斯之謂與程子曰今士大夫受職於君 敬其父母矣不盡其道則不敬其身不敬其身則 期盡其職受身於父母安可不盡其道〇今人多不 母之子却輕於己之子甚者至若儲設如此感之 兄弟之愛且如問 亦然待父母之大馬必異乎已之大馬也獨爱父 間小人得一食必先以食父母 Ī

台氏布哲日孝子事親須事事躬親不可委之使令 金りり 药合以求人之與己也雖鄉黨親戚亦然 俗身誠意以待之疎戚在人而已不巧言令色曲 愛敬之道而已〇君臣 矣〇問事兄盡禮不得兄之數心奈何曰但當起敬 朋友請習更其如相觀而善功夫多〇人之於朋 币 起孝盡至誠不求伸已可也曰接弟之道如何曰 不 離者故賢者順理而安行智者知幾而固守〇 をハ 朋友之際其合不正未有 從 虚

Ĺ

ノニー

次已日年 产馬 一門柳秦性理精義 日氏大臨日君子之道莫大乎孝孝之本莫大乎順親 當觀穀梁言天子親耕以供來盛王后親蠶以供祭 故仁人孝子欲順乎親必先乎妻子不失其好兄弟 子者視於無形聽於無聲未當項刻雜親也事親 若以已所自親者也此說最盡事親之道又說為 不失其和室家宜之妻孥樂之然後可以養父母之 天頃刻雜親則有時而違天天不可得而遠也 服 國非無良農工女也以為人之所盡事其祖福 不

朱子曰男女居室人事之至近而道行乎其關然 尹氏婷日學者雖是要從師 金贝巴屋 曲 妻至于兄弟則治家之道必自妻子始 之中衽席之上人或褻而慢之則天命有所不行矣 只是開其大端又體貌嚴重若於從容問暇之際委 志而無違也故身不行道不行於妻子文王刑于寡 君子之道所以造端乎夫婦之做而語其極則察 論 難須是朋友便發明得子 人口中に 然賴朋友相成處甚多 知 鮅 師 暗

欽定四庫全書 孰 交盡其道而無悖馬非 之大倫其別有五然必欲君臣父子兄弟夫婦之 而 之事 為正始之道其以此與知言亦曰道存乎飲食男 之易首於乾坤而中於咸恒 乎天地之高深也然非知幾謹獨之君子其孰能體 能使之然哉故 知有道馬惟敬者能守而 而溺於流者不知其精 柳纂性理精美 朋友之於人倫其勢若輕 有 朋友以責其善輔其仁 又曰接而 禮謹大昏而詩以二南 不失耳亦此意也〇 知有禮馬交 孟 而 其 閒 女

道 且 者初未當知其理之所從職之所任其重有如 莫有盡其道者而 為甚大自世教不明 其於君臣父子兄弟夫婦之間 **薄輕合而** 相 則 甚重其分岩 維其情 固 無所 易離亦無怪其相視漠然如行路 藉於責善輔仁之益 不足以 疏 朋 而 友之倫廢闕 相 君臣父子兄弟夫婦之間 所 固其勢不足以 闖 為至親其名若 此其所以思疏 猶或未嘗求盡 尤甚盖其親 相 攝 1, 而 而 為 と 此 妡 不 既 而 其 也 诣 職

超い

真氏德秀曰夫之道在敬身以帥其婦婦之道在敬身 次足四事全書獨你察性理精義 友以無用廢朋友之道廢而責善輔仁之職不舉彼 是理而不使悸馬者也由夫四者之不求盡道而 其道而無所苟馬則麗澤之益自有不能已者 夫四者又安得獨立而久存哉○朋友之交責善所 以承其夫故父之醮子必曰勉帥以敬親之送女必 以盡吾誠取善所以益吾德非以相為賜也然各盡 也夫人倫有五而其理則一朋友者又所籍以維持 朋

許氏衙口事親大節目是養體養志致愛致敬四事中 金グログノミ 者合乎理也其在下陰求乎陽止有二馬一則為 孝 海 陽尊而先下求於陰天先乎地君先乎臣夫先乎 致愛敬尤急所以孝只是愛親敬親兩事耳天子之 天下皆以陽者為天為君為夫陰者為地為臣為 日敬之成之夫婦之道盡於此矣 固結人心舍此則法術矣其效與聖人不相似 推受敬之心以及天下亦惟此二事為能刑于 THE RESERVE TO THE PARTY OF THE 卷八 四

钦定四車全書 四柳察性理精義 程子口學者必求其師記問文章不足以為人師以所 學者外也故求 也战 潚 皆不可求也○凡在朋儕中切戒自滿 之能矣取之不已至於百人千人則在我者豈可量 在患難中不能自保者一則童蒙求師發蒙者除 人之見不足以兼十人我能取之十人是兼十 則無所容人不我告則止於此爾不能日益也 師不可不 慎所 師者何 惟虚故能受 也 + 曰 理 故 业 此

張子曰師不立服不可立也當以情之厚薄事之大 失其師傳故非明道不能以知經〇語學者以所見 處之如顏関於孔子 累為政旨與水利有功 定在湖 義也如此〇古之人得其師傅故因經以明道後 如治兵治民水利算數之類當言劉蘇善治水利 未到之理不惟所 州置治道齊學者有欲明治道者講之於 -聞不深徹久将理低看了〇 雖斬我三年可也其成已之功 胡 世

次定四車全書 一一一一個奏性理情義 日氏大臨日古者您老而不乞言愿者儀刑其德而已 愤 無所事於問也其次則有問有答問答之聞然猶 才為憂則不敢惰四益也 對之必正衣冠尊瞻視三益也常以因已而壞人之 已不出入一益也授人数次已亦了此文義二益也 不 與君父並其次各有淺深稱其情而已下至曲藝莫 則不啓不惟則不發又其次則有請有聽講者 有師豈可一縣制服〇常人教小童亦可取益絆

游氏酢 謝 金ケロ 氏良 矣人善其所 不屑與之言明道先生調之曰道之不明於天下 必 洏 之其意若日 聽 道益輕學者之功益不進矣又其次則有 問也聽者不致 Jį 佐日 學至 曰張子厚學成德尊然 ノニニ 一於有 横 目自謂至足必欲如 骓 果以 鴶 復多聞 禮教人明道 ılī**y** 問也學至於有講有聽 未 不務蓄德徒善口耳 必 聽 猶 則 秋其學不多為人講 無 以忠信為先 孔 講 門不慎不啓 可矣 則 而已 讗 師 益 而 故 勤

朱子曰君子之學以誠其身非直為觀聽之美而已古 飲定四庫全書 · 一一一 你察性理精義 之君子以是行之於身而推之以教其子弟其不由 俗不然自父母所以教其子弟固已使之假手程文 中學者躬行之多與洛人並 此此其風俗所以淳厚而德業所以崇高也近世之 各有得馬而堯舜之道庶可馴致子厚用其言故關 之時且當隨其資而誘之雖識有明暗志有淺深亦 相 不發則師貨勢隔而先王之道或幾乎熄矣趨今 主九

首務欲因人成事以幸一朝之得而貼終身之羞 受其子弟之心者當為求明師良友使之究義理之 卒就小人之歸者未必 内 不 欺 ルス 歸 至名譽之不 罔 傲其父兄外 而 如此因恬 有司矣新學小生自為兒童時冒見其父兄 習為孝弟 閗 不以為她而安受其空虚無實之名 鷌 非所憂也何必汲及使之俯心下 以驕其間里終身不知自 謹之行以誠其身而已 不由此也故為今之父兄 禄爵 カロ 有

欠定四事之書 而察性理精義 年學校之官有教養之名而無教之養之之實學者 養其目舞蹈登降疾徐俯仰以養其血脈以至于左 先王之教所以為盛也自學絕而道喪至今千有餘 備至爾矣夫如是故學者有成材而庠序有實用此 右起居盤盂几杖有銘有戒其所以養之之具可謂 以養之也蓋禮義以養其心聲音以養其耳采色以 十五而入大學學先聖之 禮樂馬非獨教之固将有)古之學者八歲而入小學學六甲五方書記之事

金りせ 甚者馬嗚呼此教者過也而豈學者之罪哉然君子 妡 事至於語聖賢之餘旨完學問之本原則 其心者固在也諸君日 几杖之戒有所不及為至推其本則理義之所以養 采色之盛舞蹈登降疾徐俯 以為是亦有罪馬爾何則今所以異於古者特聲音 挾 策而、 以用其心者其規為動息舉無以異於凡民而 相 與嬉其間其傑然者乃知以干禄 相 與誦 仰之容左右起居盤 而傅之顧不察耳然 周乎莫知 蹈 利 有 為

次定四車全書 一一你察性理精美 學之意英非使之請明義理以脩其身然後推以及 善改過右脩身之要正其誼不謀其利明其道不計 求諸己右接物之要其竊觀古昔聖賢所以教人為 其功右處事之要己所不欲勿施於人行有不得反 之萬行之右為學之序言忠信行為敬懲念室然遷 朋友有信右五教之目 此之不為而彼之久為又豈非學者之罪哉〇白 洞 規曰父子有親君臣有義夫婦有別長的有序 博學之審問之慎思之明辨

金り 學之大端 故今不復以施於此堂而特 其待學者為已淺矣而其為法又未必古人之意也 法具存於經 也今人之為學者則既反是矣然聖賢所 具宣待他人設之而後有所持循哉近世於學有 知 其理之當然而責其身以必然則夫規 非徒欲其務記覽為詞章以釣聲名取利 ノニニ 條 列] 有志之士固當熟讀深 **医有型物质的原因性的现在分词** 如右面 龙八 揭 之 槄 取凡聖賢所以教人為 間諸 君其 思而 八相與講 問 以教人之 矩禁防之 禄 辨之茍 而 規 明

改定四車全書 間衛祭性理精義 陸氏九淵曰揚子雲韓退之雖未知道而識度非常 惑也終不解矣近世諸儒反不及此然後知二公之 矣韓退之謂古之學者必有師師者所以傳道授業 妡 解惑也人非生而知之孰能無惑惡而不求師 如務求師師者人之模範也模不模範不範為不少 謹 遵守而責之於身馬則夫思慮云為之際其所以戒 而 及其言時有所到而不可易者揚子雲謂務學不 恐懼者必有嚴於彼者矣 圭 其為

許 白りし 却 擴 無 爱 識 心委已則 就 天下人才及去當官於世事人情殊 底 親 衡 不易及也吾亦 J. 九敬長 詢 八強去安! 者為天理民難似此民 他元 日 聖人是 1:1:1 有底本 又 然四端 排 不 裁 因 叮 接 顉 ルノ 謂 人心固有良 隨感而 上進 罪 巻ハ 論學不如 女口 鲈 雕 将去後世却将 姓 小技 何由 見聖人只是與發達 論 知良 嚮 師 ドノ す 能上扶接 得師 سألا 學 如 不 校廢 知遠近 人性上 丽 何養得成 不 壞 将 能 壞 虚 不 元

程子曰讀書将以窮理将以致用也今或滞心於章句 次定四車全上了一一都察性理精義 賴有此一篇書存其他莫如論孟〇學者當以論 為文為藝者曰為文謂之藝獨之可也讀書謂之藝 則求諸書者沒矣〇入德之門無如大學今之學者 之末則無所用也此學者之大患〇問世有以讀書 如何化得人 風俗他於風化人倫本不曾學自家本性已自壞了 讀書法

生り 書者當觀里人所以作經之意與里人所以用心與 當時已晓文義讀之愈久但覺意味深長論語 氣 句句而求之畫誦而味之中夜而思之平其心易其 孟子為本論語孟子既治則六經可不治而 聖人所以至聖人而吾之所以未至者所以未得 好之者有讀後不知手之舞之足之蹈之者〇今 後全無事者有讀後其中得一两句喜者有讀後 |関其疑則聖人之意見矣〇其自十七八讀論 明矣讀 有讀 語

次定四事全事 一一你家性理精義 是未讀 始是 是此人及讀後又只是 是有驗大抵讀書只此便是法如讀論語舊時未讀 能專對雖多亦奚以為須是未讀詩時授以政 使 不會讀書如誦詩三百授之以政不達使於四方 之經旨 四方不能專對既讀詩 讀詩 周南召南 人而 如何 能窮得曰 不為周南 化ス 此 面 牆 後 召南其猶正牆 レノ 便是不曾讀也〇 便達於政能專對四 理義去推索可也學者 到讀了後便不面 悥 面 舠 立 問 牆 不 須 達 す 方

金グログノニー 異〇傳經為難 丈尺權衙 之學者非子思孟子則幾乎息矣〇詩書載道之文 人所答不過如 重今人雖善問未必如當時人借使問 「須讀論孟躬得論孟以此 秋聖人之用 法斷 之例 用则 也始 相 儿 1 似以此去量度事物自然見得長短 :如聖人之後繼百年傳之已差聖 詩書如藥方春秋如用藥治疾聖 此今人看論孟之書亦如見孔 法原 作注 . 一 本 之 有 斷此 觀他書甚省力論 例 F 也云 律五 今經 如當時 之有春秋 惟 -<u>1</u>-盂 孟 人聖 何 輕 如

欽定四庫全書 即 即暴性理精義 前既已立例到近後來書得全别一般事便書得別 其年二十時看春秋黃聲陽問某如何看答之曰 文始立義既具即聖人別起義以錯綜之如春秋已 兩 須 不 有重查言者如征代盟會之類盖欲成書勢須 之用全在此書所謂不如載之行事深切著明者也 句 別〇問左傅可信否曰不可全信信其可信者 可事事各求異義但一字有異或上下文異則義 法云以傳考經之事迹以經別傳之真偽〇卦 圭 如如 平 有

張子曰讀書少則 書則終看義理不見書須成誦 有意思若依前 物 見聖賢所存治亂之機賢人君子出處進退 記事迹須要識 坐得之不記得思不起但通貫得大原後書亦易記 時 放 下則 一時徳性 例 無由考校得義精盖書以 治 亂安危與廢存亡之理○ 讀史預 觀之殊失之矣〇凡讀史不徒要 有 懈讀書則 精 思多在夜中或静 此心常在不 維 便是格 持 此心

欽定四庫全書 阿阿察性理特義 李氏何曰讀書者知其所言莫非吾事而即吾身以求 楊氏時曰某當有數句教學者讀書之法云以身體之 直以文字求之說其辭義以資誦說其不為玩物喪 書言象意之表 所以觀書者釋己之疑明己之未達每見每加新益 之則凡聖賢所至而吾所未至者皆可勉而進矣若 以心驗之從容點會於幽閉靜一之中超然自得於 則學進矣於不疑處有疑方是進 美

朱子曰學者觀書多走作者亦恐是根本上功夫未齊 飲身正坐緩視微吟虚心涵泳切己體察虚心方 看不若先涵養本原且将己熟底義理玩味待其決 得聖賢意切已則聖賢之言不為虛說○讀書小作 冷然後去看書便自知只是如此○學者讀書須要 整只是以紛擾雜亂心去看不曾以湛然凝定心去 課程大施功力○温公答 一學者書說為學之法舉 能

志者幾希

次足四事人至 一一個暴性理精義 書先須熟讀使其言皆若出於吾之口繼 古人讀書亦記遍數貫字訓熟如習貫如自然又 荀子四句云誦數以貫之思索以通之為其人以處 其意皆若出於吾之心然後可以有得至於文義有 通誦得熟方能通晓若誦 疑眾說紛錯 之除其害以持養之首子此說亦好誦數云者想是 說自為一說而隨其意之所之以驗其通塞則 則亦虚心靜慮勿處取舍於其間先使 不 熟亦無可得思索〇 以精思使 訓 觀

金贝口匠 隨 意逆志者庶乎可以得之若便以否先入之 須是 靜 有 非者亦将奪於公論 五 尤無義理者不 其遠近淺深輕重緩急而為之 所 觀動 相 優 냚 不 ノニアルド 通 游 黈 如攻坚木先其易者而後其節目 而求 肿 玩 味 姑置而 待 其理之所安以考其是 徐觀聖賢立言本意所向 鞄 徐 币 於 卷八 無以 理 他說而先自屈矣復以衆 之 此讀書之法也〇 立矣大抵 說 如孟子 徐 非 如 如解 行 則 所 却 何 似 讀 謂 姚 亂 立 是 一處 後 書 ரி 說

次定四車全書 阿 御墓性理精義 盡迫則於其文理亦或不暇周悉兼義理精微縱橫 真能高深而固已離其本指丧其平易無窮之味矣 易之中其古無窮今必推之使高鑿之使深是未必 礙亦有所不可行者乎○聖賢立言本自平易而平 胸次而驅率聖賢之言以從己意設使義理可通己 〇人看文字多有淺迫之病淺則於其文義多所 〇讀書以觀聖贤之意因聖賢之意以觀自然之理 涉私意穿鑿而不免於即書熊說之前況又義理室

金り 煮 Jt. 要用功讀 于 破 讀自然道理次治省記不忘譬如飲食從客咀嚼 細窮究後來却 不得貪多欲速直須要熟功夫自熟中 物初時烈火煮了却 乃古人所謂執徳不弘者非但讀書為然也要須 綜各有意脈令人多是見得一邊便欲盡廢他 Ŀ 此病隨事省察庶幾可以深造自 Aller 1 THE PERSON NAMED IN COLUMN 一書沈潛玩索究極至處既有著落 須緩緩温葬反復玩味道理自 きへ 須慢火養讀書初勤敏著力 得〇讀書 出〇 雖 須 擇 說

飲定四車全書 門 仰暴性理精義 為有補於學者〇人多是向前趙去不曾向後反 者喜博而常病不精汎滥百書不若精於一也有餘 則處處得益以書博我則釋卷而茫然某深喜之以 力然後及諸書則涉獵諸篇亦得其精盖以我觀書 又後則費四五分矣〇山谷與李幾仲帖云大率學 用功去看先一書費許多功夫後則無許多矣始初 其味必長大嚼大咽終不知味也〇讀書之法須是 一書費十分功夫後一書費八九分後則費六七分

THE RESERVE OF THE PARTY OF THE 牢 處方是見得兵味若讀之數過畧曉其義即厭之 奚益於學哉故程子曰善學者求言必自近易於近 乎句 靜 玩味反覆始得用力深便見意味長意味長便受用 只要去看明日未讀底不曾去紬繹前日已讀底須 **酉○讀書之法當循序而有常致一而不懈從容** 理明漸見意味不然則雖廣求博取日誦五車亦 J 讀文義之間而 知言者也此言殊有味〇讀書須讀到不恐舍 1:1:1:1 帽豐 驗乎操存踐履之實然後心

久足四年上十四 阿御暴性理精義 書須是於無味處當致思馬至於羣疑並與寢食俱 廢乃能縣進因欺縣進二字最好須是如此若進得 些子或進或退若存若七不濟事O讀書無疑者須 教有疑有疑者却要無疑到此方是長進○東坡教 別求書看則是於此一卷書猶未得趣也〇學者讀 如入海百貨皆有人之精力不能兼收盡取但 與王郎書云少年為學者每一書皆作數次讀之當 八讀書小簡某取以示學者曰讀書要當如是東坡 得其

金月里月月雪里 通八達事事說到極致處學者須是多讀書使互相 學成八面受殼與涉獵者不可同日而 所欲求者爾故願學者每次作一意求之如欲求古 世以俟聖人而不感直到此田地方是語云執德 三王而不 發明事事窮到極致處所謂本諸身徵諸庶民考諸 今興亡治亂聖賢作用且只作此意求之勿生餘念 又別作一次求事迹文物之類亦如之他皆做 謬建諸天地而不恃質諸思神而無疑百 V 卷八 語〇聖人七 سالا 若

钦定四庫全書 獨 御暴性理精義 時 如 是從裏面出來讀書亦然書固在外讀之而通其義 入來底都不是日喚飯也是外面尋討入來若不是 而 要體之〇尹先生門人言尹先生讀書云耳順心得 須在肚裏作病如何又喫得安穩盖飢而食者 後得皆是此理〇或云當見人說凡是外面尋討 誦己言功夫到後誦聖賢言語都一似自己言語 易云寬以居之聖人多說廣大寬弘之意學者須 讀書之道用力愈多收功愈遠先難而後獲先事 里

作 者却是裏面事必欲舍詩書而別求道理異端之說 微 根 也〇讀書先讀大學以定其規模次讀論語以定 理之當然見道義之全體而身力行之以入聖賢 諷味孟子大縣是要人探索力討 非 經 本次讀孟子以觀其發越次讀中庸以求古人 型 妙〇論語之書無非 に 認 擴 詔後世将使讀者誦其文思其義有以 充之端盖孔子大縣使人優游 1 老ハ 操 存涵養之要七篇之書 反己自求 厭 飫 0 聖 滔 知 之 其 泳

文三旦日 白色丁 海暴性理精義 有 六經盖其難易遠近大小之序固如此而不可亂 先使之用力乎大學論語中庸孟子之書然後及乎 有以得其大指要歸也哉故河南程夫子之教人必 求道以入德者舍此無所用其心矣然去聖既遠 域也其言雖約而天下之故幽明巨細靡不該爲欲 漢書易本隱以之顯春秋推見至隱易與春秋天 失傳自其象數名物 不能知者况於新學小生驟而讀之是亦安能處 訓 話凡例之間老師宿儒尚 坚 講

金牙口屋石雪 道 推 天故迹中見紫 いく 人之道也易以形 今人 形 人總而是乎漢 則上通思神下通事物精及於無形粗 理 之 之性本隐書 故 而 憑虚失實於味臆度而已殊 說 命天之雨 下者説 道目 見易所以 之道見句 理之言 極 在幽易精 上 那 不 其隱根惟 而上者說 卷八 内以於朱 将卜筮為主者只是 形 是之天子 而 上 推顯地解 者 人也陰得 出 事春陽是 在形而下者上春秋 去 之秋而推 顯述開見 不 知 見二物見 怕 及於有象 由 以百成字 -至餘務讀 11. 筮 却 隱年在如 而 這 也事其莫

とこう直 譏 穿鑿壞且如今人見人纔作事便作一詩歌美之或 信其他不曾說者而今但可知其說此等事而已韓 鵰 他人只緣序者立例篇篇作美刺說将詩人意思盡 般其間亦自有感物道情吟咏情性幾時盡是讓 如包罩在此隨取隨得〇大率古人作詩與今人 刺之如此一 信而今看詩有詩中分明說是某人某事者則 何以見先王之澤何以為情性之正〇詩小序 似里卷無知之人稱頌該說把持 T

釤 | 近四月全書 春秋一經本是明道正註 序便自可通於是盡滌舊說詩意方活〇問先生 聘會盟侵伐等事皆是因人心之敬肆為之詳器或 為辨破然終是不見詩人本意後來方知只盡去 亦曲為之說後來覺得不安第二次解雖存小序 **局定便看不出某向作詩解初用小序至解不行處** 退之詩云春秋書王法不誅其人身又曰如人拾 箇無題目詩再三熟看亦須辨得出來若被舊 13 赵八 權衙萬世典刑之書如朝

Pこうう ノニラ W 御暴性理精義 讀書須細看得意思通融後都不見注解但見有正 之書曰大率本為王道正其紀綱看己前春秋文字 宋襄晉悼等事皆是論伯事業不知當時為王道作 書字或書名皆就其事而為之義理最是斟酌毫忽 得伯紫權調底意思更開眼不得此義不可不知〇 雖 耶為伯者作耶若是為伯者作則此書豈足為義理 不差後之學春秋多是較量齊魯長短自此以後如 納尚知有聖人明道正誼道理尚可看近來只說 出

金兵四月全書 看方有意味如人飢而後食渴而後飲方有味不飢 論孟則恐學者徒務空言而不以告也若果如此 恐未安盖為學之序為己而後可以及人達理而後 嚼若有理會不得處深思之又不得然後却将注 經幾箇字在方好〇讀書須是將本文熟讀字字姐 以制事故程夫子教人先讀論孟次及諸經然後 渴而强飲食之終無益也〇谷日東來云比日講 次第開只令諸生讀左氏及諸賢奏疏至於諸經 則

次足口事全島 一一你暴性理精美 史胸中無權衙多為所感○問為學只是看六經語 言亦益甚矣而欲使之從事其閒而得躬行之實不 孟其他史書雜學皆不必看如何日如此即不見古 亦背馳之甚乎〇先讀語孟然後觀史則如明鏡在 此。 言則皆時事利害而非學者切身之急務也其為空 經書中教以躬行之意庶不相遠至於左氏奏疏之 看史其序不可亂也若恐其徒務空言但當就論孟 而妍醜不可逃若未讀徹語孟中庸大學便去看 置

金りせ 處置處不覺骨寒毛鋒心膽墮地向來只作文字看 遭事會便覺無下手處信乎義理之難窮而學問 不可己也病中信手亂抽得通鑑一兩卷看正值 平世處下位視天下之事意若無足為者及居大位 經聖人手全是天理三代以下文字有得失然而天 今成敢書豈有不可讀者六經是三代以上之書曾 過與是枉讀古人書也 理却在於此自若也要有主題得破旨是學〇士居 The Milling 難

久三日 白白日 一 御察性理精義 陸氏九淵曰大抵讀書訓 吕氏祖謙曰凡為學之道必先至誠不誠未有能至馬 理以開 象〇後生學問聰明強記不足畏惟思索尋究者為 笑開卷伏讀必起恭敬如對聖賢掩卷沈思必 可 者也何以見其誠居處齊莊志意疑定不妄言不 畏耳 勉加揣量則無非浸灌培養鞭策磨碼之功或有 邪碎行之悠久習與性成便有聖賢前 詁 既通之後但平心讀之不 四六 人根義 軰 药

許氏衙曰閱子史必須有所折表六經語孟乃子史之 金万四周白星 為非以此夷考古之人而去取之鮮有失矣 家之言合於六經語孟者為是不合於六經語孟者 令格式者為當不合於律令格式者為不當諸子 折衷也譬如法家之有律令格式賞功罰罪合於律 冰則自然日充日明後日本原深厚則向來未晚者 未通晓處姑闕之無害且以其明白昭晰者日加 将亦有渙然水釋者矣 百 涵

とこうう 八二丁 御秦性理情義 程子曰聖賢之言不得已也盖有是言則是理明無是 牵 靡所闕乃無用之贅言也不止贅而已既不得其要 包涵盡天下之理亦甚約也後之人始執卷則以 言則天下之理有闕馬如彼未耜陶冶之器一不 則 則生人之道有不足矣聖賢之言雖欲已得乎然其 離真失正反害於道必矣〇問作文害道否曰害 為先平生所為動多於聖人然有之無所補無之 文藝 文 制]

多定匹库全書 學者 胸 日 獨 悅 业 中 與天地口 人見六經便以為聖人亦作文不知聖人亦 立孔門無一事只輸 與 凡為文不專意則不工若專意則志局於此又 叔 所蘊自成 耳 惟 有詩云學如元凱方成癖文似相 Ē 務養情性其他則不學今為文者專務章 既 同其大也書云玩 務 文耳所謂 悦人 訓 顏氏得心齊此詩甚好古之 俳 有 優 徳 而 物丧志為文亦 者必有言也曰游 何 日古者學為文 女ロ 始 玩 類 物 攄 句 否 也 俳

朱子曰詩者志之所之在心為志發言為詩然則詩者 以古之君子德足以求其志必出於高明統一之地 豈復有工拙哉亦視其志之所向者高下如何耳是 必志於彼故科舉之學不患妨功惟思奪志 月之中十日為舉業餘日即可為學然人不志於此 章之文也〇或謂科舉事業奪人之功是不然且 觀乎天文以察時變觀乎人文以化成天下此豈詞 稱文學何也日游夏亦何當東筆學為詞章也且如

人三·1910 八子丁 下八都豪性理精義

四十八

古今不易之至論也然彼知政事禮樂之不可不出 樂達於天下三代而下治出於二而禮樂為虚名此 志之功隱矣〇歐陽子云三代而上治出於一而禮 於一而未知道德文章之尤不可使出於二也夫古 乃始留情於此故詩有工拙之論而範藻之詞勝言 未有用意於其間者而 其於詩固不學而能之至於格律之精粗用 比事遣解之善否今以魏晋以前諸賢之作考之盖 況於古詩之流乎近世作者 韻屬 對

金分四月全書

卷八

人こりう 一丁四人即秦比理精義 被 而見者無所適而非文也姑舉其最而言則易之卦 發越而不可掩盖不必託於言語若於簡冊而 有 之文但自一身接於萬事凡其語點動靜人所可得 乎其內則其著見於外者亦必自然條理分明光輝 行列聖貨之心既有是精 明純粹之實以旁薄充塞 之聖賢其文可謂盛矣然初豈有意學為如是之文 有是質於中則必有是文於外如天有是氣則必 日月星辰之光輝地有是形則必有山川草木之 光 後

金分四月全書 夫豈世俗所謂文者所能當哉〇當論科舉云非是 乎盖雖已決知不得解其責矣然猶若逡巡顧望而 樂之節奏皆已列為六經而垂萬世其文之盛後世 盡詩之詠歌書之記言春秋之述事與夫禮之威儀 世亦其之識也故夫子之言曰文王既沒文不在兹 固其能及然其所以盛而不可及者豈無所自來而 不能無所疑也至於推其所以與衰則又以為是皆 出於天命之所為而非人力之所及此其體之甚重

陳氏淳曰聖賢學問未當有妨於科舉之文理義明則 こうこう 二丁一一一一一一一一一一一一一一一 商訂時事數陳治體其非溢中肆外之餘自有以當 文字議論益有精神光米躬行心得者有素則形之 之書據吾所見而為文以應之得失置之度外雖日 舉然豈能累孔子耶 人情中物理詢然仁義道徳之言一一皆可用之實 日應舉亦不累也居今之世使孔子復生也不免應 科舉累人自是人累科舉若高見遠識之士讀聖贤 五十

御察性理精義卷八 許氏衙口上世聖人何當有意於文彼其德性聰明 多定四年全書 一 自為律身自為度直後世小人軍端所能模做他性 聖人之心為聖人之事不能也 中發出不期文而自文所謂出言有章者也在事 也 開其節文詳備後人極力為之有所不及何者無

欽定四庫全書

御纂性理精義 煮九 子部

詳校官中書臣羅錦森 編修臣倉聖脈覆勘

校對官待路臣胡士震 覆校官主事 臣襲敬身 **腾録舉人臣張元功**

欠いり豆 にう 一一 你暴性理情義 惡亦不可不謂之性也盖生之謂性人生而靜以上 性所以為於 的語為自 是氣禀自然也每固性也然 即性生之謂也人生氣稟 面此两物相對而生也有

金切四月全書 加溢治之功故用力敏勇則疾清用力緩怠則遲清 而甚遠方有所獨有獨之多者有獨之少者清濁雖 污此何煩人力之為也有流而未達固己漸濁有出 也者猶水流而就下也皆水也有流而至海終無所 繼之者善也孟子言人性善是也夫所謂繼之者善 不同然不可以濁者不謂水也如此則人不可以不 不容說才說性時便已不是性也凡人說性只是說 及其清也則却只是元初水也亦不是將清來换却

不可謂非性然已非人生而静以上之本源等本源則易所謂繼善孟子所謂生等 本源則易所謂繼善孟子所謂生等 本源則易所謂繼善孟子所謂生等 本源則易所謂繼善孟子所謂生等 本源則易所謂繼善孟子所謂生等 本源則易所謂繼善孟子所謂生等 呼着之是有常 天 謂 1 濁 加 亦不是取出濁 來置在 也水之 則性善之

謂 莫人有 其源 ○天之付與之謂命稟之在我之謂性見於事物 自 一命命者造化之謂也〇无妄天性也萬物各得其 則 然非豈加清必 理理也性也命也三者未曾有異窮理則盡性盡 豪不加損矣○醫者不詣理 之順有於則有 知天命矣天命猶天道也以其用而言之則 急人 善本是派 思然水流 之之之之 性 相善本清 四對我本人 不然而已水 言無無之 聖清加善 人濁於惡 則處方論藥 之之 本也 脩相然及 道對之澄 立性清治 教之性而 者本豈復

次世四五人生与一人你禁性理精美 土之性多其白者得金之性多 如一二合而為三三見則一二七離而為一二則三 其性只知逐物所治不知合和之後其性又如何假 具有五性居其一而有其四至如草木也其黄者得 知其某物合某則成何性天有五氣故凡生物莫不 亡既成三又求一與二既成黑又求黃與白則是不 如訶子黄白礬白合之而成黑黑見則黃白皆亡又 知物性古之人窮盡物理則食其味嗅其臭辨其色

金发巴屋有雪 善是性之本孔子言性相近謂其禀受處不相遠也 雖前揚亦不知性孟子所以獨出諸儒者以能明性 氣不偹論氣不論性不明二之則不是○問人性本 明因何有厳曰此須索理會也孟子言人性善是也 〇民受天地之中以生天命之謂性也孟子言性之 之後能變其初此所以參差雜案此章以物性言之則人性可久以戶人門 也性無不善而有不善者才也性即是理理則自堯 性旨善所以善者於四端之情可見〇論性不論 **糅知** 而盖 美惡不齊,

文·已日日 100 阿暴性理精義 蔡不肯去學故移不得使肯學時亦有可移之理O 子曰性相近也習相遠也惟上智與下愚不移愚非 少成若天性習慣成自然雖聖人復出不易此言孔 他不可移不得性只一般豈不可移却被他自暴自 與下愚不移然亦有可移之理惟自暴自棄者則不 賢稟其獨者為愚又問愚可變否曰可孔子謂上智 舜至於塗人一也才稟於氣氣有清濁禀其清者為 移也曰下愚所以自暴棄者才乎曰固是也然却道

金发巴屋台電 後非又問佛說性如何曰佛亦是說本善只不合將 害而後惡言吉內皆先吉而後凶言是非皆先是而 是也天下之理原其所自未有不善喜怒哀樂未發 其所言者才耳〇問性如何曰性即理也所謂理性 性也不能盡其才也〇問韓文公揚雄言性如何 才作緣習又問說生死如何日譬如水温亦有意思 何嘗不善發而中節則無往而不善凡言善惡皆先 問佛言死生輪廻果否曰此事說有說無皆難須

欠己可豆 ANT 阿縣性理精義 獸與人絕相似只是不能推然禽獸之性却自然不 之命於穆不已益曰天之所以為天也於乎不顯文 皆不識此義此見聖人之心純亦不已也詩曰維天 乃天德也有天德便可語王道其要只在慎獨〇禽 王之徳之純蓋日文王之所以為文也純亦不已此 自見得聖人只一句盡斷了故對子路曰未知生馬 子在川上曰逝者如斯夫不舍晝夜自漢以來儒者 知死〇佛言前後除斷純亦不已是也彼安知此哉

呂氏大臨曰敬有淺深故為昏明敵有開塞故為人物 稟有多寡故為强柔稟有偏正故為人物物之性與 之性者亦繁乎此 待學不待教人雖至靈却野喪處極多 正故才不若人之美然人有近物之性者物有近人 人異者幾希惟塞而不開故知不若人之明偏而不 人何谷朱子書曰來諭以謂仁是心之正理能發能 個端緒如胎育包涵其中生氣無不無備而 卷九 次定四車全書 一脚一仰菜性理精義 之體亦自如此若以為此理惟人獨得之即恐推測 流動發生自然之機與夫無項刻停息閒斷即禽獸 和之氣所聚禽獸得其偏而已此其所以異也若謂 亦無項刻停息間斷者但人得具秀而最靈五常中 有礙蓋天地中所生物本源則一雖禽獸草木生理 **貧通體用相循初無間斷此說推擴得甚好但又云** 人之所以為人而異乎禽獸者以是而已如此說恐 流動發生自然之機又無項刻停息情盈發洩觸處

朱子曰天命之謂性命便是告劄之類性便是合當為 或猛情便是當廳處斷事便是發用處性只是仁義 底職事心便是官人氣質便是官人之所習尚或寬 氣質不能相離若無此氣則此理如何頓放天命之 禮智所謂天命之與氣質亦相深同幾有天命便有 體認處未精於他處便有差也 性本未曾偏氣質的稟却有偏處氣有昏明厚薄之 不同然仁義禮智亦無關一之理但若惻隱多便流

次との自己与 一 阿聚性理精義 惡所謂惡者却是氣也〇天則就其自然者言之命 物之所以為生者言之理則就其事事物物各有則 了却看泉得氣如何然此理只是善既是理如何得 是性鏡水便是氣質若無鏡與水則光亦散矣謂如 則就其流行而賦於物者言之性則就其全體而萬 五色若頓在黑多處便都黑了入在紅多處便都紅 為姑息深懦若羞惡多便有羞惡其所不當羞惡者 且如言光必有鏡然後有光必有水然後有光光便

五人口压石雪 為之賦子者然詩書所說如帝乃震怒之類所謂惟 窮日往則月來寒往則暑來風雷之所以鼓動山水 物資始乾道變化各正性命萬物盈乎两閉生生不 皇上帝降東于下民便是有主宰意問大哉乾元萬 謂之天所命否曰只是從大原中派出來不是真有 氣錯綜參差隨其所值因各不齊皆非人力所與故 者言之合而言之則天即理也命即性也性即理也 ○問命之不齊忍不是真有為之賦子如此只是二

冥駁雜之時則其理亦隨而昏冥駁雜否曰只是氣 便是天德在人識而體之爾〇問天地之氣當其昏 事徹底如此○生之理謂性○性天理也理之所具 只是太極為萬化樞紐故自能如此曰此與前只是 天道便是上面一節上面有簡腦子下面有許多物 此語自是子貢謂夫子言性與天道性便是自家底 之所以流峙皆蒼蒼者實有以主其造化之權耶抑 ○意○問天命曰上蔡云理之所自來性之所自出

金为四周五章 這些子〇問氣質有清濁不同曰氣稟之殊其類 若子不肖父亦管他不得聖人所以立教正是要故 矣曰氣雖是理之所生然既生出則此理寓於氣了 税都放了相似有村知縣硬自捉縛要納緣被他近 運用都由此氣却是氣强理弱如大禮赦文一時將 自如此又問若氣如此理不如此則是理與氣相離 了更自叶上回不應便見得氣粗而理微又如父子 非但清濁二字而已令人有聰明事事院者其氣

次上口事人主司 為然性理精義 有人欲則可謂人欲亦有天理則不可蓋天理中本 何叔京書曰人欲云者正天理之及月謂因天理而 躬天理滅矣方始是惡故聖賢說得惡字煞遲〇拾 知然後好惡形馬好惡無節於內知誘於外不能反 氣不清也推此求之可見O人生而靜天之性未曾 厚忠信者其氣醇矣而所知未必皆達於理則是其 清矣而所為未必皆中於理則是其氣不醇也有謹 不善感物而動性之欲此亦未是不善至於物至知

金り口 皆天理此句若謂之惡者本非惡此句便但過與不 即是惡雖是惡然源頭若無此物却如何作得本旨 程子云天下善惡皆天理何也曰惻隱是善於不當 惻隱處惻隱即是惡剛斷是善於不當到斷處到 及便如此所引惡亦不可不謂之性意亦如此〇問 火殺人可謂至惡若把火去炊飯殺其人之所當殺 理只是被人欲翻了故用之不善而為惡耳如放 TI 2: 1:11 欲惟其流之有差遂生出人欲來程子謂善惡

次已四事全書一四一仰察性理精義 之未遠者而源之必清可知矣〇孟子説才皆是指 可不致○退之論才之品有三性之品有五其說勝 清氣濁則才濁此與孟子說才小異而語意尤密不 其資質可以為善處伊川所謂才稟於氣氣清則才 之譬如欲觀水之必清而其源不可到則亦觀諸流 緣何有此○孟子之告公都子但以其才與情者明 有此理方有此惡如溝渠至濁當初若無清冷底水 豈不是天理道理有背有面順之則是背之則非緣

金女口压人 概如此此正是氣質之說但少一氣字耳〇問氣質 説才之品若如此推究則有干百種之多姑言其大 首楊諸公多矣說性便以仁義禮智言之此尤當理 質之性所以亦費分疏諸子說性惡與善惡混使張 月孟子說性善但說得本原處下面却不曾說得氣 門有補於後學前此未曾有人說到此如韓退之原 性中說三品說得也是但不曾分明說是氣質之 之説起於何人曰此起於張程某以為極有功於聖

濁偏正智愚賢不肖一種屬氣一種屬理以其觀之 說命有兩種一種是貧富貴賤死生壽天一種是清 交運參差不齊是以五福六極值遇不一○ 問先生 清濁是以有聖愚之異命者萬物之所同受而陰陽 也曰固然性則是命之理而己〇問孟子謂性也有 两種皆似屬氣蓋智愚賢不肖清濁偏正亦氣之為 立則諸子之說泯矣○性者萬物之原而氣禀則有 程之說早出則許多說話自不用紛爭故張程之說

次已日長上馬 一一一一一一一一一一一一一

金吳匹屋有量 於理命也有性馬此命字專指氣而言性字却指理 貴之極可以無所不為然亦有限制裁節又當安之 所遇之有應有不應皆由清濁厚薄之分不同但 既不可謂我性之所有而必求得之又不可謂我分 却合理與氣而言蓋五者之欲固是人性然有命分 而言大凡清濁厚薄之氣皆命也所造之有淺有深 可以得而必極其欲如貧賤不能如願此固分也富 命馬此性所指謂何曰此性字指氣質而言此命字

欠己りむとり 湯神然性理精義 甲者富如俸厚者貧如俸薄者毒如两三年一任又 作官一般性譬如職事天生人教人許多道理便是 是均一到氣禀處便有不齊看其稟得來如何禀得 就其所重言之所以伸此而抑彼也○天之所命固 付人許多職事道理只一般職事亦只一般氣稟如 厚道理亦備當謂命如朝廷誥勅心譬如官人差去 命雖如此又有性馬故當盡性大抵孟子此語是各 人有能守職者有不能守職者貴如官高者賤如官

有也主所材也主所氣說皆器 分別 顺故然又之君然又之明也子麻者 家君具有其命其有性白更語 隨 夫 達子終緊承言終順承等回知 不得終任者 之之也簡之之也逆之始分多 遇事 點刷 亦始福窮則而別以 亦天陟易有而善幸有降出君 以也幽之不設禍之不中正命 為盡明不能官溫不能干命壁 朝 天吾郎同盡分天齊盡下與天 ||之性||有此||稱職||命此||如民||所命| 廷 差人 所以常一君者不一天者遇極 ||以尊||震節||心君||僭節||意天|之親| 作官便 玉其則若者之則若者之命切 我正又君矣正又天|矢正又愁 於命歸不就命歸不就命以自 成而於得其也於得其也性始 而己正為職然正為氣然守至 無難命之事以命之數以合終

欠足习事 白野 氣猶 中 物之性其賦形偏 常見與之類皆有之只偏而 懈有貳 而於繁丽 理至於禽獸亦是此性只被 論萬物之一原則理同而氣異觀萬物之異體 又自有清濁昏明之異又曰在 相近而理絕 已位簡心 易子之之 理 198/柳察性理精美 遭事 不 正固自合下不同然隨其偏正 同〇問 為盡 君吾 之村 性具仁義禮智曰雖尋 不全濁氣附隔又 所以本 形體所拘蔽隔之 則故塞有可通 試其 我正於命 艱而 日 而已 見 弗雖

金罗巴屋石量 物之通其一處而全盡何也曰物只有一處通却專 合下具此天命之全體乃為物欲氣禀所昏反不如 狼蜂蟻等雖得其一偏然徹頭徹尾得義理之正人 而言則此性字似生之謂性之性無氣稟言之曰天 無可通處至於虎狼之仁豺賴之祭蜂蟻之義譬如 命之謂性這性亦離氣稟不得率循也此循字是就 **際之光至於獅猴形狀類人便電靈於他物問虎** 事事理會得却泛泛所以易昏〇問率性通人物

飲定四庫全書一題一個暴性理精美 道之無所不在否曰是 便是天理流行發見之妙故子思姑舉此一二以明 通處道皆無所不在曰此性字亦是以理言否曰是 又問寫有為之性魚有魚之性其飛其躍天機自完 條理隨分派條理去皆是道穿牛鼻絡馬首皆是隨 他所通處仁義禮智物豈不有但偏耳隨他性之所 有異不可道物無此理性是渾淪物道是性中分派 道上說不是就行道人說性善只一般但人物氣稟 十四

許氏衙口貧賤富貴死生脩短禍福東於氣皆本乎天 陳氏淳曰夫子所謂善是就人物未生之前造化源頭 成之者性時方能如是之善則孟子之所謂善實淵 之者性炭說是生人以後事善乃輕字言此性之純 處說善乃重字為實物若孟子所謂性善則是就成 也是一定之分不可求也其中有正命有非正命者 源於夫子所謂善者而來而非有二本也 粹至善月其實由造化源頭處有是繼之者善然後

次至日年上十三一一一一一一一一人师蔡性理精美 程子曰心一也有指體而言者寂然不動是也有指用 而言者感而遂通天下之故是也惟觀其所見如何 自召也 旨正命也乃繁乎天之所為也非正命者行險傲幸 盡其道而不立乎嚴墻之下脩身以待之然此亦有 行非禮義之事致於禍害桎梏死者命亦隨馬人之 禍福古凶死生脩短當以順受所謂莫之致而至者 心性情 ቷ

金罗巴尼白雪 盡其心知其性心即性也在天為命在人為性論其 之形有限之氣苟不通之以道安得無限量孟子曰 體有限量心有限量否曰論心之形則安得無限量 為一〇所謂人者天地之心及天聰明自我民聰明 止謂只是一理而天人所為各自有分〇問人之形 月〇一人之心即天地之心一物之理即萬物之理 問心之妙用有限量否曰自是人有限量以有限 日之運即一歲之運〇理與心一而人不能會之 卷九

次足刀車全事一人仰暴性理精義 宣有出入亦以操合而言也放心謂心本善而流於 量天下更無性外之物若云有限量除是性外有物 是為害有人胸中當若有两人馬欲為善如有惡以 中有甚定形不學則却都不察及有所學但覺察得 接無須與停所感萬端又如懸鏡空中無物不入其 始得○出入無時莫知其鄉此句亦須要人理會心 所主為心其實只是一道当能通之以道又豈有限 不善是放也〇人心作主不定正如一翻車流轉動

手りで屋 為之間欲為不善又若有羞惡之心者本無二人此 於外如何曰非出於外感於外而發於中也問性之 生識便有性有性便有情無性安得情又問喜怒出 正交戰之驗也持其志使氣不能亂此大可驗〇有 有喜怒猶水之有波否曰然湛然平靜如鏡者水之 心勿求於氣可也○問喜怒出於性否曰固是纔有 仁義之心然後仁與義之氣醉然達於外故不得於 人說無心曰無心便不是只當云無私心○人必有

一钦定四車全書一門御暴性理精美 也既思即是已發緩發便謂之和不可謂之中也又 情也〇蘇季明問中之道與喜怒哀樂未發謂之中 曰不可既思於喜怒哀樂未發之前求之又却是思 中字但用不同或曰喜怒哀樂未發之前求中可否 同否曰非也喜怒哀樂未發是言在中之義只一箇 便為波浪洶湧此豈水之性也哉人性中只有四端 性也及遇沙石或地勢不平便有湍激或風行其上 又豈有許多不善底事然無水安得波浪無性安得

喜怒哀樂發自中節或曰有未發之中有既發之中 當勉强裁抑於未發之前當如何用功曰於喜怒哀 樂未發之前則不可又問學者於喜怒哀樂發時固 養於喜怒哀樂未發之時則可若言求中於喜怒哀 樂未發之時更怎生求只平日涵養便是涵養久則 問召學士言當求於喜怒哀樂未發之前信斯言也 曰非也既發時便是和矣發而中節固是得中只為 恐無著摸如之何而可曰看此語如何地下若言存

次足口五公与 师暴性理精義 象曰當中之時月無間目無見否曰雖月無聞目無 中回固是所為皆中然而觀於四者未發之時静時 而不中以事言之則有時而中以道言之何時而不 樂未發謂之中是在中之義不識何意曰只喜怒哀 見然見聞之理在始得曰中是有時而中否曰何時 目否曰非也中有甚形體然既謂之中也須有箇形 樂不發便是中也曰中莫無形體只是箇言道之題 將中和來分說便是和也○李明問先生說喜怒哀

金女工屋石雪 覺却是動也怎生言靜人說復其見天地之心皆以 自有一般氣象及至接事時又自別何也回善觀者 某言動而見天地之心或曰其是於動上求靜否曰 謂至靜能見天地之心非也後之卦下面一畫便是 如何日謂之有物則不可然自有知覺處日既有知 不如此却於喜怒哀樂已發之際觀之賢且說靜時 固是然官難釋氏多言定聖人便言止且如物之好 動也安得謂之靜自古儒者皆言靜見天地之心惟

次足口事之上司 一一 為暴住理精義 生於喜怒哀樂未發之前下動字下静字曰謂之靜 事時各因其心之所重者更互而出總見得這事重 言隨其所止而止之人多不能止蓋人萬物皆備遇 敬之類是也易之良言止之義曰艮其止止其所也 便有這事出者能物各付物便自不出來也或曰先 裏故聖人只言止所謂止如人君止於仁人臣止於 事若說道我只是定更無所為然物之好惡亦自在 須道是好物之惡須道是惡物之好惡關我這裏甚

若是大事如祭祀前旅敬明莊編充耳凡物之過者 習習能專一時便好不拘思慮與應事皆要求一或 了他事如麻义生如何曰不可此不誠之本也須是 且先理會得敬能敬則自知此矣或曰敬何以用功 則可然静中須有物始得這裏便是難處學者其若 不見不聞也若無事時目須見耳須聞或曰當敬時 曰當靜坐時物之過乎前者還見不見曰看事如何 曰莫若主一季明曰肠常患思慮不定或思一事未

不失赤子之心若何曰取其純一近道也曰赤子之 不失赤子之心若何曰取其純一近道也曰赤子之 不失赤子之心若何曰取其純一近道也曰赤子之 不失赤子之心若何曰取其純一近道也曰赤子之 子之心為已發是否曰已發而去道未遠也曰大 勿者禁止之辭総說弗者便不得也問雜說中以 雖見間其過馬而不留否曰不說道非禮句視勿聽 五山寺 题 學展性理精美事而為言也此時未有的一些會 ○始言未發之謂之些於時未有的一些會 ○始言未發之謂之些食為於物故以中名之些食為於物故以中名之。此數條與蘇肠問答可如此數條與蘇肠問答可如此數條與蘇肠問答可如此數條與蘇肠問答可如此數條與蘇肠問答可如此數條與蘇肠問答可如此數條與蘇肠問答可如此數條與蘇肠問答可如此數條與蘇肠問答可如此數條與蘇肠問答可如此數據 **羊此故中發不體 止** 赤

母子已性者道之形體心者性之郛郭身者心之區字郡子曰性者道之形體心者性之郛郭身者心之區字是所以為其根而其要總歸於敬存養者此故也的察者亦此敬也是程子此章之指也也有察者亦此敬也是程子此章之指也也有察者亦此敬也是程子此章之指也也有察者亦此敬也是程子此章之指也也有察者亦此敬也是程子此章之指也也有察者亦此敬此是程子此章之情也一動一部。 受天地之中也寂然不動虚明統一與天 地 相

次已口事人与一种集性理精義 謝氏良佐曰心本一支離而去者乃意爾〇釋氏所謂 性乃吾儒所謂心釋氏所謂心乃吾儒所謂意 失守欲區區脩身以正其外難矣 垢乃所謂正也惟先立乎大者則小者不能奪如使 與此心自正不待人而後正而賢者能勿丧不為物 您懷恐懼好惡憂患一奪其良心則親聽食息從而 欲之所遷動如衡之平不加以物如鑑之明不蔽以 與神明為一傳曰喜怒哀樂之未發謂之中其謂此 Ŧ

金文里屋有量 朱子曰人多說性方說心看來當先說心古人制字亦 胡氏宏曰誠成天下之性性立天下之有情效天下之 楊氏時曰六經不言無心惟佛氏言之亦不言脩性惟 得此理然許多道理却都具在心裏且如仁義自是 先制得心字性與情皆從心以人之生言之固是先 動心妙性情之德然子解曰心妙性情之 記言正心等德性孟子言存心養性 楊雄言之心不可無性不服脩故易止言洗心盡性

钦正四軍全書 题 仰慕性理精義 先說心便教人識得性情總腦若先說性却似性中 以智知者心也性者心之理也情者性之動也心者 別有心横渠心統性情語顛撲不破〇仁義禮智性 而無不在馬〇問邵子性者道之形體心者性之郭 性情之主也〇未動為性已動為情心則貫子動静 也惻隱羞惡辭讓是非情也以仁爱以義惡以禮讓 惻隱之心羞惡之心益性即心之理情是性之用今 性孟子則曰仁義之心惻隱羞惡自是情孟子則曰

觀之則命是性天是心心有主军之義然不可無分 皆為之說曰欲知此道之實有者當求之吾性分之 體却見得實有不須譚空說遠只反諸吾身求之故 者實道理只是虚空更無形影惟是說性者道之形 郭身者心之區宇曰諸先生說都不是邵子說得最 別亦不可說成两箇當熟玩而默識其主宰之意可 内邵子擊壞集序說出幾句最好〇以天命之謂性 也〇問程子云心一也有指體而言者有指用而言

次定四車全書 一一一种暴性理精義 問喜怒哀樂固是心之發晓然易見處如喜怒哀樂 生物之心只天地生物便廣大便流行生生不窮〇 行底意看又須無生意看且如程先生言仁者天地 之則謂之虚〇問人心要活則周流無窮而不滞於 者曰此語與橫渠心統性情相似〇問有主則實又 曰有主則虚如何分别曰只是有主於中外邪不能 八自其有主於中言之則謂之實自其外邪不入言 陽如何是活曰活者不死之謂〇心須無廣大流

未應接之前未發中固常惺惺不是瞑然不省若夜 未覺正當大寐之時此時則全沈沈與與萬事不知 間有夢之時亦是此心之動猶晝之有思如其不夢 其手足運動自是形體如此○問心是靈物如日間 之前便是寂然靜時然宣得塊然如稿木其耳目亦 必有自然之間見其手足亦必有自然之舉動不審 不省與木石蓋無異不可謂寂然未發不知此事心 此時與作如何曰喜怒哀樂未發只是這心未發耳 1.1.1.1 次足四車全售 獨仰暴性理精義 是微妙亦是微晦又曰形骸上起底見識便是人心 食渴飲便是人心知覺從君臣父子處便是道心微 **無家者心之動静也有思無思者又動中之動静也** 而言之〇心者氣之精爽〇心只是一箇知覺從飢 而寐濁寤有王而寐無主故寂然感通之妙必於寤 有夢無夢者又静中之動静也但無陽而寐陰寤清 體何所安存所謂靈者何所寄寓聖人與常人此時 所以異者如何而學者功夫此時又何以為驗也曰

守得徹頭徹尾學者則須是擇善而固執之又曰謂 時祭見使自家見得有時又不見惟聖人便辨之精 義理上起底見識便是道心心則一也微者難明有 道心則人心為所節制人心皆道心也〇性不可言 被人心隔了一重故難見人心如孟子言耳目之官 之人便有形氣人心較切近於人道心雖先得之然 不思道心如言心之官則思故贵先立乎其大者有 所以言性善者只看他惻隱辭讓四端之善則可以

次亡四事全書 · 柳纂性理精美 粗者也〇心之所之謂之志日之所之謂之皆志字 即吾之血氣而充子體者也比於他則有形器而較 情者心之所動志者心之所之比於情意尤重氣者 去爱此物是意〇心者一身之主宰意者心之所發 情是性之發意是主張要如此如爱此物是情所以 情也性則理也發者情也其本則性也如見影知形 見其性之善如見水之流清則知源頭必清矣四端 之意〇問意是心之運用處情亦是發處何以别曰

黄氏幹曰此身只是形氣神理理精於神神精於氣氣 通塞草木亦有知覺否曰亦有如一盆花得水洗灌 是鳥獸知覺不如人草木知覺又不如鳥獸 **愈前草不除去云與自家意思一般便是有知覺只** 便敷紫若推抑他便枯瘁謂之無知覺可乎周茂叔 之經營往來底凡管為謀度往來皆意也所以横渠 云志公而意私○問人與爲獸固有知覺但知覺有 從之從心告字從之從日志是一直去底意又是志

真氏德秀曰大舜十六字開萬世心學之源後之聖賢 次足口車全事- 魔仰察性理精義 心欲其勿喪赤子之心欲其不失凡此皆所謂守道 更相授受雖若不同然大抵教人守道心之正而過 有氣斯有神有神斯有理只是一物分出許多名字 運用理則知覺運用上許多道理然有形則斯有氣 精於形形則一定氣能呼吸能冷暖神則有知覺能 知此則心性情之類皆可見矣 人心之流耳孟子於仁義之心則欲其存而不放本 テ六

程子曰凡有如風之類皆具五常但不知充而已矣○ 飢渴之害為喻凡此皆所謂遏人心之流也心一而 憂患則不得其正孟子言家欲以小體之養為戒以 心之正也易言懲忍室慾孔子言克己大學言好樂 終馬有霄壤之隔此精一之功所以為理學之要與 已爾由義理而發無以害之可使與天地參由形氣 而發無以檢之至於追禽獸不遠始也特豪毛之間 五常

言則一事專言則包四者〇問仁與心何異曰心是 之不然則混而無別非知仁義之說也〇且譬一身 所主處仁是就事言曰若是則仁是心之用否曰固 然亦須通四徳以言之○四徳之元猶五常之仁偏 為用而不外馬者可與論道矣世之論仁義者多外 孟子言仁必以義配盖仁者體也義者用也知義之 仲尼言仁未嘗兼義獨於易曰立人之道曰仁與義 仁頭也其他四端手足也至如易雖言元者善之長 ŧ

金女只是人 賢所言仁處類聚觀之體認出來孟子曰惻隱之心 長也斯所謂仁也〇問仁曰此在諸公自思之將聖 陽氣而生曰非是陽氣發處却是情也心譬如穀種 然亦未可便謂之心之用或曰譬如五穀之種必待 是若說仁者心之用則不可心譬如身四端如四支 生之性便是仁也〇天地之大徳日生天地網縕萬 四支固是身所用只可謂身之四支四端固具於心 物化醇生之謂性萬物之生意電可觀此元者善之

文記日百七号 魔 柳茶性理精義 博爱為仁則不可○仁者必愛持爱為仁則不可不 只消道一公字公只是仁之理不可將公便喚作仁 仁者無所知覺指知覺為仁則不可〇仁之道要之 公而以人體之故為仁只為公則物我兼照故仁所 之仁退之言博愛之謂仁非也仁者固博愛然便以 己言惻隱之心仁之端也既曰仁之端則不可便謂 自是性豈可專以爱為仁孟子言惻隱為仁蓋為前 仁也後人逐以愛為仁惻隱固是愛也爱自是情仁 テナハ

朱子仁説曰天地以生物為心者也而人物之生又谷 胡氏宏曰誠者命之道乎中者性之道乎仁者心之道 故能近取譬者仲尼所以示子貢以為仁之方也 體夫人豈有視四肢百體而不爱者哉聖人仁之至 以能怒所以能爱恕則仁之施爱則仁之用也○至 也獨能體是心而己曷當支離多端而求之自外平 仁則天地為一身而天地之間品物萬形為四肢百 怎儿 ALCOHOL: A CONTRACTOR OF THE PERSON OF THE P

久已日百七号 獨海暴性理精美 悉數而足論人心之妙者則曰仁人心也則四德之 論天地之心者則日乾元坤元則四德之體用不待 用馬則為爱恭宜别之情而惻隱之心無所不貫故 之為心其德亦有四日仁義禮智而仁無不包其發 贯通無所不備然一言以報之則曰仁而己矣盖天 馬則為春夏秋冬之序而春生之氣無所不通故人 得夫天地之心以為心者也故語心之德雖其總攝 地之心其德有四曰元亨利貞而元無不統其運行

金只口戶有電 茶執事敬與人忠則亦所以存此心也又曰事親孝 事兄弟及物怒則亦所以行此心也又曰求仁得仁 言有曰克已復禮為仁言能克去已私復乎天理則 體用亦不待遍舉而該益仁之為道乃天地生物之 心即物而在情之未發而此體已具情之既發而其 此心之體無不在而此心之用無不行也又曰居處 在是此孔門之教所以必使學者汲汲於求仁也其 用不窮誠能體而存之則聚善之源百行之本莫不

欠日日日公子 関御暴性理精義 域之不同然其脈絡之通各有攸屬者則曷當判然 所論以爱之理而名仁者也益所謂情性者雖其分 與曰不然程子之所謂以爱之發而名仁者也吾之 温然爱人利物之心包四德而買四端者也或曰若 殺身成仁則以欲甚於生惡甚於死為能不害乎此 子之言則程子所謂愛情仁性不可以愛為仁者非 心也此心何心也在天地則块然生物之心在人 則以讓國而逃諫代而餓為能不失乎此心也又曰

金角四月在書 謂物我為一者可以見仁之無不爱矣而非仁之所 為一為仁之體者矣亦有謂爱非仁而以心有知覺 其遺意而子顧以為異子程子之說不亦誤哉或曰 求其意逐至於判然離愛而言仁故持論此以發明 程氏之徒言仁多矣益有謂爱非仁而以萬物與我 離絕而不相管哉吾方病夫學者誦程子之言而不 以為體之真也彼謂心有知覺者可以見仁之包平 釋仁之名者矣今子之言若是然則彼皆非與曰彼

史臣の長と写 一門仰暴性理情義 皇與躁而無沈潛之味其弊或至於認欲為理者有 弊或至於認物為己者有之矣專言知覺者使人張 此而論仁哉〇人之所以為性者雖有仁義禮智信 門所云樂山能守之氣象尤不相似子尚安得復以 之矣一忘一助二者益胥失之而知覺之云者於聖 矣抑泛言同體者使人含糊昏緩而無警切之功其 施齊衆之問與程子所謂覺不可以訓仁者則可見 智矣而非仁之所以得名之實也觀孔子答子貢博

合屬陰殊不知舒暢發達便是到底意思收斂纖縮 屬陽義智屬陰袁機仲却說義是到合屬陽仁是桑 禮者仁之餘智者義之歸而信亦無不在也○仁禮 言則木火皆陽金水皆陰而土無不在以性而言則 便如此說殊不知正不如此鄉飲酒義云溫厚之 便是柔成意思他只念得於仁也柔於義也到兩句 **威於東南此天地之仁氣也嚴凝之氣威於西北** 之殊然其曰仁義則大端已舉矣蓋以陰陽五行而 義〇言其未發則仁之體立而義禮智即是而存馬 循其既發則惻隱之心形而羞惡辭讓是非亦由是 流為江河匯為池沼便是義如惻隱之心便是仁爱 為仁知其分殊所以為義仁便是體義便是用否曰 夫事性之所以為用也〇問龜山說知其理一所以 父母爱兄弟爱鄉黨愛朋友故舊有許多差等便是 天地之義氣也〇仁存諸心性之所以為體也義制 仁只是流出來底義是合當作底如水流動處是仁

命之道乎中者性之道乎仁者心之道乎此語分得 事及至事定三者各退仁仍舊温和緣是他本性如 輕重虚實處好某以為道字不若改作德字更親切 也〇得此生理以有生然後有禮智義信以先後言 用時有許多般須得是非解逐斷制三者方成仁之 之則仁為先以大小言之則仁為大〇五峰云誠者 而著馬故孟子首舉不忍人之心而後復詳於四端 〇仁雖似有回直意畢竟是箇温和之物但出來發

體之則是克盡已私之後只就自身上看便見得 思有所未合竊謂仁如水爱如水之潤恕如水之流 能及人也淳問先生謂愛如水恕如水之流淳退而 在人字上〇或問恕則仁之施爱則仁之用施與用 日說得好〇或問仁與公之別曰程子日公而以人 如何別曰怨之所施施其愛爾不恕則雖有愛而不 以人體之世有以公為心而慘刻不恤者此功夫却 此〇仁之道只消道一公字非以公為仁須是公而

近夕中下人 言克已復禮為仁也學者於前三言者可以識仁之 名義於後一言者可以知其用力之方矣○問仁者 言仁本末甚備令撮其大要不過數言盖曰仁者生 也公在前恕在後中間是仁公則仁仁則愛〇程子 同一體如人兄弟異形而皆出父母所以皆當愛惟 之性也而愛其情也孝弟其用也公者所以體仁猶 仁者其心公溥實見此理故能以天地萬物為一體 以天地萬物為一體人物均受天地之氣而生所以

次定四事全書 陽 即暴性理精義 若當初有人會問必說道愛是仁之情仁是愛之性 受非仁也仁是性爱是情伊川也不是道爱不是仁 者以其同體也仁者爱之理只是爱之道理猶言生 如此方分晓惜門人只領此意便專以知覺言之於 之性〇問程門以知覺言仁克齊記乃不取何也曰 無所不爱所以爱者以其有此心也所以無所不爱 仁離爱不得上蔡諸公不以爱為仁彼見伊川言博 否曰爱則是自然爱不是同體方爱惟其同體所以

爱之說若將说馬逐蹉過仁地位去見孺子匍匐將 來冷了仁是和底意〇問心之德是就專言之統體 皆從此處說又問知覺亦有生意曰固是將知覺說 是就義之形於外合內外而言之也曰心之制亦是 未曾不包乎其中心之制是就義之主於中事之宜 就義之全體處說事之宜是就干條萬緒各有所宜 上說爱之理是就偏言之一體上說雖言其體而用 入井皆有怵惕惻隱之心此處見得親切聖賢言仁

於元而生於貞益天地之化不愈聚則不能發散也 無間故不貞則無以為元也〇仁禮屬陽屬健義智 為義又曰義似一柄利刀看甚物來都割得去非是 **画便有箇宜處便是義又舉伊川曰在物為理處物** 處說事之宜亦非是就在外之事說看甚事來這裏 而智則能成始而成終猶元為四德之長然元不生 刀之割物處是義只此刀便是義〇仁為四端之首 仁智交際之間乃萬化之機軸此理循環不窮腔合 Ī

程氏珠日以仁存於心而義形於外言之則曰仁人心 誠實此四者實有是仁實有是義禮智皆然如五行 屬陰屬順問義則截然有定分有收斂底意思不知 之有土非土不足以載四者 禮智性之四德又添箇信字謂之五性如何曰信是 了更無作用不似仁義禮三者有作用〇或問仁義 也義人路也而以仁義相為體用若以仁對惻隱義 智如何解曰智更是收斂如知得是知得非知得便

災定四重全書 國人你暴性理精義 程子曰忠信所以追德終日乾乾君子當終日對越在 體用 之氣可謂盡矣故說神如在其上如在其左右大小 謂之道脩道則謂之教孟子去其中又發揮出浩然 謂之道其用則謂之神其命於人則謂之性率性則 對羞惡而言則就其一理之中又以未發已發相為 天也盖上天之載無聲無臭其體則謂之易其理則 雜論經書名表遊 理 敬養德 恭誠 忠信

重タゼ 亦 其下則也道也越案 此 (事而只曰誠之不可揜如此夫徹上徹下不過 形 神者精中教信在此 器 但 而上為道形而下為器須著如此說器亦道道 **氣也然庸之存天段** 之惟以言行心者義 得道在不繫今與後已與人 感其理神乎養神理 無道視而浩性氣至 產器之歸然以與深 · 合則之之事天而 压一粗誠氣天通語 失正所目也意 論不故是以故然渾 今可神此發下非淪 之分氣意明文神觀 與是者夫神遂氣者 後以亦神氣言與極 體器氣之道天難 之道之比不之通晓 與於屬之離即乃會 人身形形乎神立蓋 也則而質道性乎對 如

久已口自己言 獨 仰慕性理精義 〇書言天叙天秋天有是理聖人循而行之所謂道 道曰自性言之謂之誠自理言之謂之道其實一也 道要在人點而識之○道未始有天人之別但在天 立天之道曰陰與陽立地之道曰柔與副立人之道 也若道外尋性性外尋道便不是〇問何為誠何為 也而曰道者惟此語截得上下最分明元來只此是 則為天道在地則為地道在人則為人道○道即性 曰仁與義又曰一陰一陽之謂道陰陽亦形而下者

泉森然已具未應不是先已應不是後如百尺木自 於天下也無適也無其也義之與比〇沖漠無朕萬 是天地之間無適而非道也即父子而父子在所親 無所為而非道此道所以不可須與離也故君子之 根本至枝葉皆是一貫不可道上面一段事無形無 即君臣而君臣在所嚴以至為夫婦為長幻為朋友 兆却待人安排教人塗轍也既是塗轍却只是一箇 也聖人本天釋氏本心〇道之外無物物之外無道 久已日上在台 一一一一一一一人一人不住理精美 有事馬今既如槁木死灰則却於何處有事〇道之 不明異端害之也昔之害近而易知今之害深而難 中禮又幾時要如稿木論心街無如孟子亦只謂必 地萬物而不遺又幾時要如死灰所貴乎動容周旋 死灰豈有直作牆壁木石而謂之道所貴乎智周天 〇今語道則須待要寂滅湛靜形使如搞木心使如 為精切凡言性惡性混者皆非矣案此條是發明率性謂道之理最 三十八

金分四月百十 實則外於倫理窮深極微而不可以入堯舜之道〇 萬物各具一理而萬理同出一源所以可推而無不 是自家體貼出來〇德性者言性之可貴與言性善 或過或不及便如此○吾學雖有所受天理二字却 通也〇天地萬物之理無獨必有對皆自然而然非 謂之窮神知化而不足以開物成務言為無不周徧 辨昔之感人也來其迷暗令之入人也因其島明自 有安排也〇天下善惡皆天理謂之惡者非本惡但

欠己口巨人已与 ~ 何為性理精義 於誠則敬然後誠〇主一者謂之敬一者謂之誠〇 謂信表裏之義也〇盡已為忠盡物為信極言之盡 盡己之謂忠以實之謂信發已自盡為忠循物無違 已者盡已之性也盡物者盡物之性也信者無偽而 之誠誠與明一也〇无安之謂誠不欺其次也〇信 而得於內者謂之明自其內者得之而無於外者謂 其質一也性之德者言性之所有〇自其外者學之 不足以盡誠猶爱不足以盡仁〇誠則無不敬未至

是子細體認一選多在忠上多在恕上回多在恕 日不然多在忠上機忠便是一恕即忠之用也〇維 而已矣則所謂一者便是仁否曰固是只這一字須 无妄動以天理故也〇問吾道一以貫之而曰忠恕 已於天性有所損益則為偽矣易曰天下雷行物與 以己及物仁也推已及物恕也忠恕一以貫之忠者 天之命於穆不已忠也乾道變化各正性命恕也〇 理恕者人道忠者无妄恕者所以行子忠也忠者

欠こり日八十二國/何茶性理精義 既無義以方外則其直內豈有是處 也又問義只在事上如何曰內外一理豈特事上求 行是為義也若只守一箇敬不知集義却是都無事 矣○發於外者謂之恭有諸中者謂之敬○問敬義 爾〇或問忠恕之別曰猶形影也無忠則不能為恕 體恕者用大本達道也此與達道不遠具者動以天 合義也○佛家敬以直内則有之義以方外則無也 何別曰敬只是持己之道義便知有是有非順理而 中

朱子曰道字宏大理字精密〇問韓子道與德為虚位 金好四月全書 呂氏大臨曰誠者理之實然一而不可易者也實理不 張子曰接物處皆是小德統會處便是大德 如何曰他又自說道有君子小人德有凶有吉謂吉 小人行之為小人之道如道二仁與不仁君子道長 則其體無雜其體不雜則其行無間故至誠無息 則為吉德山人則為山德君子行之為君子之首 人道消之類若是志於道據於德方是道德之正

次已口戶上上三一〇一個於住理精美 義便是無道理了人更如何是道〇道訓路大概說 說失道而後德失德而後仁失仁而後義若離了仁 截得分明者只是上下之間分别得一箇界止分明 器亦道道亦器有分别而不相離也〇老子說先道 共不著人身上說謂之道德即是全得此道於己他 而後德他分作兩獨吾儒說只是一箇以其古今公 有形無形言之便是物與理相間斷了所以明道謂 〇問形而上下如何以形言曰此言鼠的當設右以

金少四月百十 寸守寸得尺守尺對曰須先得方可守只是此道理 而勿失耳曰尋常看據於德如何說必大以横渠得 是此道理因講習躬行後見得是我之所固有故守 心謂之性在事謂之理〇問吳必大如何是德曰只 然使千億萬年行之人知其歸者也〇性即理也在 也者道也道無形行之則見於事矣如道路之道坦 然須常常提撕令在己者決定是作得如此如方獨 所共由之路理各有條理界辦因舉康節云夫道

文王刀与在一日 一個、你暴性理精美 ○敬只是收斂畏懼不縱放誠只是撲直慰實不欺 〇徳是得於天者講學而得之得自家本分底物事 交則必信不侍安排蓋存於中之謂德見於事之謂 孝弟忠信人以此事親則必孝事君則必忠與朋友 用〇信者忠之驗忠只是盡己因見於事而為信〇 班○一心之謂誠專以體言盡心之謂忠是當體之 行易曰君子以成德為行正謂以此德而見諸事耳 處默坐未曾事君親接朋友然在我者已渾全是一 四十二

謂與人說話時說一年不肯盡說便是不忠有此事 無違為信曰發已自盡謂凡出於己者必自竭盡而 說此事無此事便說無便是信只是一理自其發於 忠信只是一理自中心發出來便是忠著實便是信 忠字以其應事接物而言此義理之本名也至曾子 其物之真質而無所背戾〇誠字以心之全體而言 心謂之忠驗於事謂之信〇問發己自盡為忠循物 不使其有的簡不盡之意循物無違謂言語之發循

文八日の日とは 日間御祭性理精義 **西便有一箇聖人之心聖人之心自然無所不到此** 物裏面便有一箇天地之心聖人於天下一箇人裏 之心天下之心便如聖人之心天地之生萬物一箇 言如心為恕如心之義如何曰萬物之心便如天地 言之○忠是無一豪自欺處恕是稱物平施處○人 之謂恕則未盡推己之謂恕盡物之謂信〇問程子 謂盡己之謂忠盡物之謂恕盡己之謂忠固是盡物 所言忠恕則是聖人之事故其忠與誠仁與怨得通 四主

金贝巴月子書 誠身而言則恭較緊自行事而言則敬為切〇初學 欲勿施於人便是推己之心求到那物上賢者之忠 己以敬敬以直内偏言是主事恭是容貌上說〇恭 則不如敬之切成德則不如恭之安敬專言則如脩 日用功夫自然有總會處〇於形於外敬主於中自 心而其維持主宰全在敬字今但實然用力於敬則 怨也〇誠字在道則為實有之理在人則為質然之 便是乾道變化各正性命聖人之忠恕也如己所不

真氏您秀曰唐虞之時未有誠字舜典所謂允塞即誠 陳氏垣曰理對義言則理為體而義為用理對道言則 陳氏淳曰聖人分上忠信便只是誠是天道賢人分上 道為體而理為用 忠信只是思誠是人道 此處使不得若以臨下則須是莊 是謹敬是畏莊是嚴嚴威嚴恪非所以事親是莊於 之義也至伊尹告太甲乃曰鬼神無常享享于克誠

文ED巨人IN 阿斯阿累性理精義

四古

金分口四分言 誠字始見於此〇忠之為義先儒以中心釋之又以 盡已言之蓋未有本諸心而不盡乎己者其亦一而 教民無適而非忠也平居有一之可愧而能盡忠其 為善亦欲他人如我之善我無惡亦欲人如我之無 名無是道也恕者如心之謂非寬厚之謂也如我能 已爾聖賢之言忠不專於事君也為人謀必忠也於 惡我欲立亦欲人之立我欲達亦欲人之達大概是 朋友必忠告也事親必忠養也至於以善教人以利

吳氏澄曰凡物必有所以然之故亦必有所當然之則 欠己口目と言 物為義理之有義猶形影聲響也世豈有無理之義 視人如己推己及物之謂 無義之理哉是以聖人之學必精義而入神 **而以然者理也所當然者義也程子曰在物為理處** 御祭性理精義 竖五

金好四月五書 怎九